庫全書

子部

欽定四庫全書

性理大全卷二十六

校官編修臣即再馨

總

ここうこう 朱子曰天地之間有理有氣理也者形而上之道也生陽氣也形而下也道太虚也形而上也程子曰有形總是氣無形只是道〇離陰陽則無道陰 物之本也氣也者形而下之器也生物之具也是以 性理大全書

金牙巴尼二 自有仁義○天下未有無理之氣亦未有無氣之理 理未當離乎氣然理形而上者氣形而下者自形而 之所以為人其理則天地之理其氣則天地之氣理 〇有是理後生是氣自一陰一陽之謂道推來此性 上下言豈無先後理無形氣便粗有查滓〇理氣本 無迹不可見故於氣觀之〇問先有理抑先有氣曰 〇先有箇天理了却有氣氣積為質而性具焉〇人 物之生公稟此理然後有性必稟此氣然後有形 卷二十六

是理亦無掛搭處氣則為金木水火理則為仁義禮 萬物而言只是一箇理及在人則又各自有一箇理 智〇問理與氣曰伊川說得好曰理一分殊合天地 理然理又非别為一物 即存乎是氣之中無是氣則 無先後之可言然必欲推其所從來則須說先有是 氣如云太極動而生陽動極而静静而生陰不成動 又曰有是理便有是氣但理是本而今且從理上 已前便無静程子曰動静無端益此亦是且自那動 説

欽定四庫全書 處說起若論著動以前又有静静以前又有動如云 萬物都歸窠了若不生來年便都息了益是貞復生 之間否曰是静之然動之始也且如四時到得冬月 理何在曰也只在這裏如一海水或取得一杓或取 元無窮如此〇問有是理而後有是氣未有人時此 陰一陽之為道繼之者善也這繼字便是動之端 **嫸或取得一椀都是這海水但是他為主我為** 開一闔而無繼便是闔殺了又問繼是動静 卷二十六

J. 7 結聚時理亦無所附著〇問先有理後有氣之說曰 客他較長久我得之不久耳〇問理在氣中發見中 氣則能凝結造作理却無情意無計度無造作只此 後有理先有氣邪皆不可得而推究然以意度之則 不消如此說而今知得他合下是先有理後有氣邪 如何曰如陰陽五行錯綜不失條緒便是理岩氣不 氣凝聚處理便在其中且如天地間人物草木禽獸 疑此氣是依傍這理行及此氣之聚則理亦在焉益 生軍大全書

只不可說是今日有是理明日却有是氣也須有先 事這箇都是氣若理則只是箇淨潔空陽底世界無 其生也莫不有種定不會無種了白地生出一箇物 後〇問未有天地之先 畢竟是先有理如何曰未有 有是理便有是氣似不可分先後曰要之也先有理 形迹他却不會造作氣則能醞釀凝聚生物也〇問 此理便亦無天地無人無物都無該載了有理便有 天地之先畢竟也只是理有此理便有此天地若無

金牙四尾之書

卷二十六

ラインローに 便有此氣流行發育理無形體曰所謂體者是強名 氣流行發育萬物曰發育是理發育之否曰有此理 否曰是曰理無極氣有極否曰論其極將那處做極 在理上看則雖未有物而已有物之理然亦但有其 不可分開各在一處然不害而物之各為一物也若 理常不移而氣不常足大德必得名位壽理固如此 理而已未當實有是物也〇 問天地之間有理有氣 〇所謂理與氣決是二物但在物上看則二物渾淪 **1** 性理大全書

金りせたとう 勝此處亦當關於人事否曰雖是所感不同亦是元 然孔子無位顏子天死豈非氣使之然即竊疑氣雖 春秋戰國刑殺慘酷則氣亦隨之而變而理反不能 氣薄了O問理氣先後曰有此理後方有此氣旣有 不同然聖人在上以和召和則氣亦醇正而隨於理 皆是如此又何慮天地之生無所付受耶要之理之 此氣然後此理有安頻處大而天地細而螻蟻其生 字不可以有無論未有天地之時便已如此了也 卷二十

勉齊黃氏曰天道是理陰陽五行是氣合而言之氣即 北溪陳氏曰二氣流行萬古生生不息不成只是箇空 為氣形而上下是也〇理無迹而氣有形理無際而 是理一陰一陽之謂道也分而言之理自為理氣自 他去 氣有限理一本而氣萬殊故言理之當先乎氣深思 芋頭大底有理與氣一下生出無限小底却都傅與 之則無不通也〇天地生出人物如大芋頭生出小

シャラックショ

性理大全書

朱子曰太極只是一箇理字 行之中便成理與氣為二物矣 大化流行生生未當止息所謂以理言者非有離乎 氣必有主宰之者曰理是也理在其中為之福級故 之先有箇渾成之物是天地萬物之理總名否曰太 不外乎氣若說截然在陰陽五行之先及在陰陽五 氣只是就氣上指出箇理不離乎氣而為言耳〇理 太極 問太極不是未有天地

次足习事へこう 理〇萬物四時五行只是從那太極中來太極只是 是先有此理動而生陽亦只是理静而生陰亦只是 在萬物言則萬物中各有太極未有天地之先畢竟 極只是天地萬物之理在天地言則天地中有太極 静先用而後體先感而後寂曰在陰陽言則用在陽 而體在陰然動静無端陰陽無始不可分先後今只 又分做五氣又散為萬物〇問太極解何以先動後 **箇氣迤遞分做兩箇氣裏面動底是陽静底是陰** 1 性理大全書

是寂陽前又是陰而寂前又是感静前又是動將何 者為先後不可只道今日動便為始而昨日静更不 就起處言之畢竟動前又是静用前又是體感前又 而在陰陽即五行而在五行即萬物而在萬物只是 又是吸吸前又是呼〇太極非是別為一物即陰陽 說也如臭息言呼吸則解順不可道吸呼畢竟呼前 翻了天地○太極理也動静氣也氣行則理亦行二 箇理而已因其極至故名曰太極若無太極便不

大記事 至日 有此理便會動而生陽静而生陰静極復動動極復 動之中又有陰之根動之所以必静者根乎陰故也 便是這物事在這裏流轉一日有一日之運一月有 静循環流轉其實理無窮氣亦與之無窮自有天地 者常相依而未當相離也當初元無一物只有此理 静之所以必動者根乎陽故也〇太極者象數未形 〇太極未動义前便是陰陰静之中自有陽之根陽 月之運一歲有一歲之運只是這箇物事家將去 性理大全書

静所以流行如秋冬之時謂之不流行可乎岩謂不 太極之體也動即太極之用也〇太極之有動静是 極自是函動静之理却不可以動静分體用益静即 而其理已具之稱形器已具而其理無联之目〇太 此而後有彼但統是一箇大原由體而達用從微而 自太極至萬物化生只是一箇道理包括非是先有 能流行何以謂之静而生陰也觀生之一字可見〇 天命之流行也或疑静處如何流行曰惟是一動 卷二十六

節齊蔡氏曰主太極而言則太極在陰陽之先主陰陽 アニア 国人 極復動則已静之後固必有動矣如春秋冬夏元亨 太極動而生陽則其未動之前固己當静矣又言静 中間截斷言之則亦不害其有先後也觀局子所言 至著〇動静無端陰陽無始本不可以先後言然就 而言則太極在陰陽之內時既不同所主皆異不可 何以為元就此看之又自有先後也 利頁固不能無先後然不冬則何以為春而不貞又 題 生里大全書

金片四月二 西山真氏曰萬物各具一 理萬理同出一原所謂萬物 執一而廢一也益自陰陽未生之時而言則所謂太 氣外而為二則為陰陽外而為五則為五行萬物萬 極者即在乎陰陽之中也 事皆原於此人與物得之則為性性者即太極也仁 是物物一太極也萬理同出一原是萬物統體 義即陰陽也仁義禮智信即五行也萬物各具一 原者太極也太極者乃萬理統會之名有理即有 理

ていう... こ 北溪陳氏曰太極之所以為極至者言此理至中至正 四面到此都極至都去不得如屋看深謂之屋極者 中之義不可便訓極為中益極之為物常在物之中 至也以其在中有樞極之義如皇極北極等皆有在 名曰極〇太極只是以理言也理緣何又謂之極極 至精至粹至神至妙至矣盡矣不可以復加矣故強 極而太極 極也太極非有形有器之物只是理之至者故曰無 生里大全"日

金万口尼人三言 處分出去布為衆材四面又皆停勻無偏刺偏欠之 此不動所以為天之樞若太極云者乃是就理論天 亦只是屋之衆材四面凑合到此處皆極其中就此 處如塔之尖處便是極如北極四面星宿皆運轉惟 之主宰便自然如此就其為天地萬物主宰處論恁 萬古生生不息不是各各自恁地都是理在其中為 之所以萬古常運地之所以萬古常存人物之所以 地渾淪極至故以太極名之葢總天地萬物之理到

此凑合更無去處及散而為天地為人為物又皆 地萬物之理而言不可離天地萬物之外而别為之 有天地萬物之理便有天地萬物之氣幾有天地萬 有天地萬物先有是理然此理不是懸空在那裏緩 論總說離天地萬物而有箇理便成兩截去了〇末 物之氣則此理便全在天地萬物之中周子所謂太 極動而生陽静而生陰是有這動之理便能動而生 停匀無少虧欠所以謂之太極〇太極只是總天

欽定匹庫全書 陽鏡動而生陽則是理便已具於陽動之中有這静 偏在一 之理便能静而生陰緩静而生陰則是理便已具於 陰静之中然則繞有理便有氣繞有氣理便全在這 川吳氏曰太極本無體用之分其流行變化者皆氣 孰為後所謂動静無端陰陽無始若分别得先後便 氣裏面那相接處全無些子縫罅如何分得熟為先 機之闔闢有静時有動時當其静也太極在其中以 邊非渾淪極至之物

其静也因以為太極之體及其動也太極亦在其中 為之也開物之後有天地有人物如此者太極為之 之外哉〇開物之前渾沌太始混元之如此者太極 以其動也因以為太極之用太極之冲漢無朕聲臭 為之也太極常常如此始終一般無增無減無分無 也閉物之後人銷物盡天地又合為渾沌者亦太極 泯然者無時而不然不以動静而有間而亦何體用 合故以未判已判言太極者不知道之言也此類

多定匹庫全書 程子曰凡有氣莫非天凡有形莫非地〇天地之中理 圖太 下極 必相直則四邊常有空闕處空闕處如何地之下豈 所指地者關處損 無天今所謂地者特於為作天中一物爾如雲氣之 聚以其久而不散也故為對凡地動者只是氣動 須要知坤元承天是地心道也〇天地動静之理天 天地 只是土土 亦一物爾不可言地更 凡

てこう ここ・ マー 以定南北者在坎離也坎離又不是人安排得來莫 園則須轉地方則須安静南北之位豈可不定下所 不可言善觀於此者必知道也〇道則自然生萬物 非自然也〇天地之化一息不留疑其速也然寒暑 行未常息也則謂之不動可乎故曰動静不相離○ 之變甚漸〇冬至之前天地閉塞可謂静矣日月運 今夫春生夏長了一番皆是道之生後來生長不可 天只主施成之者地也〇天地生物之氣象可見而 性理大全書

道却将既生之氣後來却要生長道則自然生生不 息〇天理生生相續不息無為故也使竭智巧而為 氣降而至於地地中生物者皆天氣也惟無成而代 之未有能不息也〇地氣不上騰則天氣不下降天 天本何為哉養養馬耳矣其所以名之曰天益自然 於天地之間至於暢茂則塞意亡矣〇天之所以為 有終者地之道也〇萬物始生也鬱結未通則實塞 之理也○詩書中凡有箇主宰意思者皆言帝有一

金厅四户子

箇包函偏覆底意思則皆言天〇天地之化雖蕩然 帝之異曰以形體謂之天以主宰謂之帝以至妙謂 所以為中庸也〇天地所以不已有常久之道也人 無弱然陰陽之度寒暑晝夜之變其不有常久之道 能常於可久之道則與天地合〇天地以虛為德至 之神以功用謂之鬼神以性情謂之乾其實一而己 所自而名之者異也夫天專言之則道也〇以氣明 善者虚也虚者天地之,祖天地從虚中來〇或問天 性理大全書

金牙巴尼人 道氣亦形而下者耳〇萬物之始氣化而已旣形氣 則物之出者何可得齊轉則齒更不復得齊從此參 相禪則形化長而氣化消〇天地之化旣是二物必 物之殊有清濁故有智愚之等〇造化不窮益生氣 差萬變巧歷不能窮也〇氣之所鍾有偏正故有人 動已不齊臂之兩扇磨行便其齒齊不得齒齊旣動 往往則不反非吸飥往之氣而後為呼也〇凡物之 也近取諸身於出入息氣見闔闢往來之理呼氣旣

荒田則其收穀倍及其久也一歲薄於一歲氣有威 衰有終則必有始有畫則必有夜譬之一片地始開 衰故也至如東西漢以來人才文章皆别所尚異也 散其氣逐盡無復歸本原之理天地間如紅鑪雖生 用此既散之氣其造化者自是生氣此氣之終始開 物銷鑠亦盡况既散之氣豈有復在天地造化又焉 闢便是易一 物之異者何也氣有淳高自然之理有盛則必有 闔一闢謂之豪〇時所以有古今風氣 性理大全書 +

致堂胡氏曰夫天非若地之有形也自地而上無非天 尚所以異亦由心所以為心所以然者只為生得來 無所從受則氣之所化乎曰然 同生乎曰然純氣為人繁氣為物乎曰然其所生也 東南人才不同氣之厚薄異也〇問太古之時人物 初生得又别春中又别春盡時所生又别〇西北與 宜亦須各以其時不可一也只如均是春生之物春 如此至如春夏秋冬所生之物各異其栽培澆灌之

多いとにノニ

卷二十六

12 12 1 12 1 朱子曰天地初問只是陰陽之氣這一箇氣運行磨來 屬 莊周氏曰天之養養其正色邪言天無色也無色則 者昔人以積氣名其象以倚益名其形皆非知天者 磨去磨得急了便拶許多查澤裏面無處出便結成 草木之麗乎地也著明森列羅度行止哈氣機自運 莫使之然而然者無所託也若其有託則是以形相 無聲無臭皆舉之矣日月星辰之繁乎天非若山川 麗乎形能無壞乎 性理大全書 支

箇地在中央氣之清者便為天為日月為星辰只在 則地須陷下惟天運轉之急故凝結得許多查率在 旋有九耳但下面氣較濁而暗上面至髙處則至清 謂之剛風人常說天有九重分九處為號非也只是 地〇問天有形質否曰只是箇旋風下輕上堅道家 中間地者氣之查滓所以道輕清者為天重濁者為 運不息畫夜報轉故地權在中間使天有一息之停 外常周環運轉地便只在中央不動不是在下〇天 卷二十六 ことり 一位理大全書 來方凝得硬問想得如潮水湧起沙相似曰然水之 亦須如此一番明白來又問天地會壞否曰不會壞 問自開闢以來至今未萬年不知已前如何曰己前 極濁便成地火之極清便成風霆雷電日星之屬〇 水之海脚便成地今登 高而望群山皆為波浪之狀 便是水泛如此只不知因甚麼時凝了初間極輕後 至明耳〇天地始初混沌未分時想只有水火二者 只是相將人無道極了便一齊打合混沌一番人物

及其既分中間放得寬闊光朗而兩儀始立邵康節 者甚多如虱然〇方渾淪未判陰陽之氣混合幽暗 **峯所謂一氣大息震蕩無垠海宇變動山勃川湮人** 動静無端陰陽無始小者大之影只畫夜便可見五 以十二萬九千六百年為一元則是十二萬九千六 都盡又重新起又問生第一箇人時如何曰以 氣化 百年之前又是一箇大闔闢更以上亦復如此直是 二五之精合而成形釋家謂之化生如今物之化生

是都有此理天地生物千萬年古今只不離許多物 者却變而為高柔者却變而為剛此事思之至深有 殼或生石中此石即舊日之土 螺蚌即水中之物下 物消盡舊迹大滅是謂鴻荒之世當見高山有螺蚌 其氣無不通恁地看來渾只是天了氣却從地中迸 逼塞满皆是天地之四向底下却靠著那天天包地 可驗者○問天地未判時下面許多都已有否曰只 〇地却是有空缺處天却四方上下都周匝無空缺

金りに足とう 是水所以浮天而載地是如何曰天外無水地下是 陽之氣所生也〇康節言天依形地附氣所以重複 查浑故厚而深也〇天地但陰陽之一物依舊是陰 只今人在地上便只見如此高要之連地下亦是天 水載〇問天地之所以高深曰天只是氣非獨是高 故横渠云地對天不過○問晉志論渾天以為天外 出又見地廣處〇天包乎地天之氣又行乎地之中 又云世間無一箇物事大故地恁地大地只是氣之

2. 10. 1.1 而言不出此意者惟恐人於天地之外别尋去處故 甚厚所以固此氣也若夫地動只是一處動動亦不 極緊故能扛得他住不然則墜矣氣外更須有驅殼 也天理無外所以其形有涯而其氣無涯也為其氣 至遠也古今歷家只是推得箇陰陽消長界分爾如 道下面有物天行急地閣在中〇問康節天地自相 何得似康節說得那天依地地附天天地自相依附 天依形地附氣底幾句〇問天依地地附氣曰恐人 生理大全書 ナ

動力口屋 ノーー 密處如禮記月令疏及晉天文志皆不可不讀也〇 說大體固如是矣然歷家之說亦須考之方見其細 端陰陽無始之義一致非歷家所能窺測曰康節之 依附之說某以為此說與問子太極圖程子動静無 天運言之一日固是轉一匝然又有大轉底時候不 天明則日月不明天無明夜半黒淬淬地天之正色 〇天只是一箇大底物須是大著心腸看他始得以 可如此偏滯求也〇天轉也非自東而西也非旋環

LITTING ME 窮然有至一邊已及一萬五千里者而天地之運蓋 磨轉却是側轉〇伊川云測景以三萬里為准若有 家之說乃以真數得之非鑿空而言也若果有之亦 左旋而星拱極仰觀可見四遊之說則未可知然歷 天只三萬里〇天之外無窮而其中央空處有限天 夏日行南陸北陸之間相去一萬五千里耳非謂周 如初也此言蓋誤所謂升降一萬五千里中者謂冬 與左旋拱北之說不相妨如虚空中一圓毬自內而 性理大全書

金ラロアとう 豈不是六合之內歷家算氣只算得到日月星辰運 外否曰理無內外六合之形須有內外日從東畔升 觀之其坐向不動而常左旋自外而觀之則又一面 靈但不如人恁地思慮伊川曰天地無心而成化聖 亦靈否還只是漠然無為曰天地之心不可道是不 西畔沉明日又從東畔升這上面許多下面亦許多 四遊以簿四表而止也〇問康節論六合之外恐無 行處上去更算不得安得是無内外〇問天地之心

てこり・ムコラー 問此心字與帝字相似否曰人字似天字心字似帝 者即是理也不是心外别有箇理理外别有箇心又 行百物生者盖以其合當如此便如此不待思惟此 字〇問天地無心仁便是天地之心若使其有心必 心是主宰底意否曰心固是主宰底意然所謂主宰 所以為天地之道曰如此則易所謂復其見天地之 有思慮有營為天地昌嘗有思慮來然其所以四時 人有心而無為〇問天地之心天地之理理是道理 性理大全 書 千

心正大而天地之情可見又如何如所說祇說得他 然於上地隤然於下一無所為只以生物為事故易 生物為心〇天地之間品物萬形各有所事惟天確 他又却自定程子曰以主宰謂之帝以性情謂之乾 他這名義自定心便是他箇主宰處所以謂天地以 無心處耳若果無心則須牛生出馬桃樹上發李花 曰天地之大德曰生而程子亦曰天只是以生為道 其論復見天地之心又以動之端言之其理亦已明

火スラートにも 順理而已復何為哉所以明道云天地之常以其心 處且如四時行百物生天地何所容心至於聖人則 略無停間只是生出許多萬物而已問程子謂天地 得最好問普萬物莫是以心周編而無私否曰天地 普萬物而無心聖人之常以其情順萬事而無情說 無心而成化聖人有心而無為曰這是說天地無心 地别無勾當只是以生物為心一元之氣運轉流通 **矣然所謂以生為道者亦非謂將生來做道也〇天** 生理大全書

箇天地之心爾今須要知得他有心處又要見得他 齊又曰天地之形如人以兩盌相合貯水於内以手 轉而不止萬物之生似磨中撒出有粗有細自是不 物之心草木禽獸接著遂為草木禽獸之心只是一 以此心普及萬物人得之遂為人之心物得之遂為 常常掉開則水在內不出稍住手則水漏矣〇或問 枯槁欲生是天地有心時〇造化之運如磨上面常 無心處只恁定說不得〇萬物生長是天地無心時

庸齊許氏曰天地之大乃陰陽自虚自實前無始後無 西山真氏曰按楊倞註首子有曰天無實形地之上空 終者也大縣有時而混沌有時而開闢耳伏養之前 虚者皆天也 大鈞播物還是一去便休也還有去而復來之理曰 吾不知其樂混沌幾開闢矣所為混沌而開闢者以 陰陽之運有泰否陰陽之氣有通塞方其泰而通也 去便休耳豈有散而復聚之氣

動定匹库全書 於其中復有英君誼辟相繼為主而人極以立以兩 間之開闢者如此宜不至於再為混沌矣然陰陽之 萬百年或歷數萬年泰者有時而否通者有時而塞 運不能以常泰陰陽之氣不能以常通上下或歷千 天以凊而浮於上地以凝而填於下人物生息繁滋 至于否塞之極也則天之清以浮者濁而低地之凝 當此之時五行之用皆廢而水火之性獨悖逆焉火 以填者裂而洩人物之生息繁滋者亦歇滅而萎敗

年天之低以濁者又復清而浮地之裂以洩者又復 所不死者有元氣焉惟其元氣不死故陰陽之否者 日之開闢者至此又成一混沌矣天地每成一混沌 於沸騰二者雖皆及常而成天地之混沌者水也前 不為離虚之明而偏於沈伏水不為坎陷之滿而偏 陽之運氣已泰而通則前日之混沌者復為之開闢 凝而填人物之歇碱姜敢者又復生息而繁滋此陰 終以泰陰陽之塞者終以通或歷數百年或歷數千 世里人一意 苴

重定四月 全事 魯齊許氏曰天道常於不足處行将去亦屈伸消長乘 **贱風雨露雷無非教也富贵福澤貧賤憂戚亦無非** 除對待之理天之道損有餘補不足人則不能合天 閱者亦以其漸方開闢之初又必有聰明神聖者繼 矣然天地由開闢而混沌者固以其漸由混沌而開 道也〇天有寒暑晝夜物有生柴枯瘁人有富貴貧 天為主而人極以復立伏羲蓋當一 教也此天地所以造化萬物日新無散者也〇天道 卷二十六 開闢之初也

朱子曰天有三百六十度只是天行得過處為度天之 過處便是日之退處日月會為辰〇天道與日月五 肅之使陽氣必伏 便往無俱往並發之理陰氣方長陽便伏又嚴霜以 星皆是左旋天道日一周天而常過一度日亦日 周天起度端終度端故比天道常不及一度月行不 氣此一氣消縮彼一 天度 恶法附 性理大全書 氣便發達此一氣來彼一 氣

差數步也天行只管差過故歷法亦只管差堯時昏 上走一人過急一步一人差不及一步又一人甚緩 月又運十三度有奇耳因舉陳元滂云只似在圓地 耳〇天行健一日一夜一周天過一度日稍逐一度 此錯說也但歷家以右旋為說取其易見日月之度 及十三度十九分度之七今人却云月行速日行運 旦星中於午月令差於未漢晉以來又差今比堯時 似差及四分之一古時冬至日在牽牛今却在斗〇

食りにたんって

一一一一一一一一一生理大全古 或問天道左旋自西而東日月右行則如何曰横渠 南面而立其前後左右亦有四方十二辰之位焉但 十二會所會為辰十一月辰在星紀十二月辰在元 辰天壤也每一辰各有幾度謂如日月宿於角幾度 鶉人加于地之午位乃與地合而得天運之正耳〇 在地之位一定不易而在天之象運轉不停惟天之 枵之類是也然此獨在天之位耳岩以地而言之則 即所宿處為辰〇日月所會是謂辰注云一歲日月

恰好比天進一度則日為退一度二日天進二度則 說日月皆是左旋說得好蓋天行甚健一日一夜周 所進過之度又恰周得本數而日所退之度亦恰退 次於天一日一夜周三百六十五度四分度之一正 盡本數遂與天會而成一年月行運一日一夜三百 日為退二度積至三百六十五日四分日之一則天 六十五度四外度之一行不盡比天為退了十三度 三百六十五度四外度之一又進過一度日行速健

多了口屋と

というこう 日 十三度如歲星須一轉爭了三十度要看悉數子細 速且如今日日與月星都在這度上明日旋一轉天 不留右轉只是隨天轉天行健這箇物事極是轉得 右轉曰自疏家有此說人皆守定某看天上日月星 行速然則日行却得其正〇問天道左旋日月星辰 數難算只以退數算之故謂之右行且曰日行逐月 却過了一度日遲些便欠了一度月又運些又欠了 有竒進數為順天而左退數為逆天而右歷家以進 性理大全書 二十九

嵩高正當天之中極南五十五度當當高之上又其 居其中天包地外猶殼之裏黄圓如彈九故曰渾天 是說一箇現成天地了其說曰天之形狀似鳥卵地 只是璇璣王衝數中載王蕃渾天說一段極精密便 南十二度為夏至之日道又其南二十四度為春秋 北極出地上三十六度南極入地下亦三十六度而 言其形體渾渾然也其術以為天半覆地上半在地 下其天居地上見者一百八十二度半强地下亦然

欠い可したる 時中星如何解不同更是如此則日日一般却如何 率也南北極持其兩端其天與日月星宿斜而廻轉 地三十一 度而已是夏至日北去 極六十七 度春秋 遇一度也曰此說不是若以為天是一日一周則四 **外去極九十一度冬至去極一百一十五度此其大** 分之日道又其南二十四度為冬至之日道南下去 也〇問或以為天是一日一周日則不及一度非天 紀歲把甚麼時節做定限若以為天不過而日不及 性理大全書

月令疏指其中說早晚不同及更行一度兩處曰此 是一日過了一度蔡季通當有言論日月則在天裏 而不察更不去子細檢點而今若就天裏看時只是 說得甚分明其他歷書都不如此說蓋非不曉但習 行得三百六十五度四分度之一若把天外來說則 月來得不在舊時處了天無體只二十八宿便是天 論天則在太虚空東岩去太虚空裏觀那天自是日 度則趙來趙去将次午時便打三更矣因取禮記

舊只到那角上天則一周了又過角些子日日累上 體日月皆從角起天亦從角起日則一日運一周依 月麗天而尤遲一日常不及天十三度十九分度之 周而在天為不及一度積三百六十五日九 百四十 圍三百六十五度四分 度之一繞地左旋常一日 去則一年便與日會蔡仲默天說亦云天體至圓周 周而過一度日麗天而少建故日行一日亦繞地一 **炒日之二百三十五而與天會是一歲日行之數也**

多五日九百四十分日之二百三十五者為氣盈月 百四十八是一歲月行之數也歲有十二月月有三 四十八通計得日三百五十四九百四十分日之三 九百八十八如日法九百四十而一得六不盡三百 日會十二會得全日三百四十八餘分之積又五千 七積二十九日九百四十分日之四百九十九而與 與日會而少五日九百四十分日之五百九十二者 日三百六十日者一歲之常數也故日與天會而

欽定匹庫全書

為朔虚合氣盈朔虚而閏生焉故一歲閏率則十日 是自然之數是强分曰天左旋一畫一夜行一周而 氣外分齊是為一章也此說也分明〇問周天之度 九百四十分日之八百二十七三歲一閏則三十二 度四分度之一方是一周只将南北表看今日恁地 又過了一度以其行過處一日作一度三百六十五 日九百四十分日之三百七十五十有九歲七閏則 日九百四十分日之六百單一五歲再閏則五十四 性理大全書 二九

是一星了〇問同度同道曰天有黄道有赤道天正 看時有甚星在表邊明日恁時看這星又差遠或別 黄道一半在赤道之内一半在赤道之外東西兩處 是月與日正相向如一箇在子一箇在午皆同一度 如一圓匣相似赤道是那匣子相合縫處在天之中 日月在那黄道赤道十字路頭相交處厮撞著堅時 與赤道相交度却是將天横分為許多度數會時是 謂如月在畢十一度日亦在畢十一度雖同此一度

卷二十六

いいうしいという 是陰敢與陽敵然應家又謂之暗虚蓋火日外影其 既是相會被月在下面遮了日故日蝕聖時月蝕固 却南北相向日所以蝕於朔者月常在下日常在上 北南極北極天之樞紐只有此處不動如磨臍然此 山本不當天之中為是天形歌側遂當其中耳曰萬 中實暗到壁時恰當著其中暗虛故月蝕〇或言當 山不是天之中乃是地之中黄道赤道皆在嵩山之 是天之中至極處如人之臍帶也〇問天有黄赤二、 性理大全書 丰

金りしたっこ 道二出黃道北赤道二出黃道南白道二出黃道西 道沈存中云非天實有之特歷家設色以記日月之 青道二出黄道東并黄道而九如此即日月之行其 行耳夫日之所由謂之黃道史家又謂月有九行黑 道 日退而南畫退而短月行則春東從青道夏南從赤 道各異况陽用事則日進而北畫進而長陰用事則 如此然每月合朔不知何以同度而會於所會之辰 /秋西從白道冬北從黑道日月之行其不同道又

次三万事人三日 而出黄道之下或相近而倡或差遠而不相值則皆 同然好隨黄道而行耳月道雖不同然亦常隨黃道 不蝕如何日日月道之說所引皆是日之南北雖不 度而月道之南北或差遠於日則不蝕或南北雖亦 在酉之類是也故合朔之時日月之東西雖同在一則月或在卯或故合朔之時日月之東西雖同在一 月極速而相對其上下弦則日月近一而遠三如日 而出其旁耳其合朔時日月同在一度其望日則日 又有或蝕或不蝕及其行或髙而出黃道之上或低 性理大全書

相近而日在内月在外則不蝕此正如一 大略可見〇問北辰之為天樞何也曰天圓而動包 而執扇者在外則雖近而扇亦不能掩燭以此推之 則雖扇在內燭在外而扇不能掩燭或秉燭者內而 繞地下而左旋不息其樞紐不動之處則為南北極 乎地外地方而静處乎天中故天之形半 覆地上半 謂之極者猶屋脊謂之屋極也然南極低入地三十 執扇相交而過一人 自內觀之其兩人相去差速 人東燭

見不隱七十二度之中常居其所而不動其傍則諸 看來橫渠之說極是只恐人不曉所以詩傳只載舊 星隨天左旋更迭隱見皆若環繞而歸向之知此則 六度故周圍七十二 度常見不隱北極之星正在常 六度故周圍七十二度常隱不見北極高出地三十 否曰今諸家是如此說横渠說天左旋日月亦左旋 知天樞之說矣〇問經星左旋緯星與日月右旋是 說或曰此亦易見如以一大輪在外一小輪載日月 性理大全書 圭

象山陸氏曰書疏云周天三百六十有五度四分度之 改做順字退字皆著改做進字 便覺日月似右轉了曰然但如此則思家逆字旨著 在内大輪轉急小輪轉慢雖都是左轉只有急有慢 南極入地下三十六度南極去北極直徑一百八十 處謂之赤道去南北極各九十一 度春必日行赤首 度强天體隆曲正當天之中央南北二極中等之 天體圓如彈光北萬南下北極出地上三十六度

ショワニノニョ 世理大全書 黄道又有月行之道與日相近交路而過半在日道 七度去南極一百一十五度從夏至以後日漸南至 之裏半在日道之表其當交則兩道相合去極遠處 六十七度去北極一百一十五度其日之行處謂之 秋分還行亦道與春公同冬至行亦道之南去南極 從此漸北夏至行赤道之北二十四度去北極六十 日所行也冬至在斗出赤道南二十四度夏至在井 两道相去六度此其日月行道之大略也○黄道者

或問晦翁嘗疑日月右轉不是以為天行至健一日一 夜一周却剩一度日一日一夜恰好月則不及十三 聞横渠有此語但歷家用簡提超徑法巧算須用作 潛室陳氏曰天行日剩一度出鄭康成日月俱左旋 度有奇與思家所推大段相及不知何所見而云爾 蝕者月道與黃道交也 九道其出入黄道不過六度當交則合故曰交蝕交 出赤道北二十四度秋分交於角春分交於奎月有 卷二十六

臨川具氏曰天與七政八者皆動令人只將天做硬盤 月作行十三度有奇無乎簡提超徑易布算也 右旋却取他背後欠天零數起算故日只作行一 却以七政之動在天盤上行古來歷家益非不知七 使風皆趨北其一船行緩者見前船之快但覺自己 政亦左行但順行不可數只得將其逆退與天度相 少船如倒退南行然其實只是行緩赶前船不著故 直處算之因此後遂謂日月五星逆行也譬如兩船 生里七全書 三十四

也今當以太虚中作一空盤却以八者之行較其運 速天行最速一日過了太虚空盤一度鎮星之行比 之行比歲星更遅其不及於天積六十日争差三十 天稍遲於太虚盤中雖略過了些子而不及於天積 遲其不及於天積十二箇月與天争差三十度熒惑 度太陽之行比熒惑又遅但在太虚之盤中一日行 二十八箇月則不及天三十度歲星之行比鎮星尤 周恒無餘無欠比天之行一日不及天一度積

一多定で厚をする

人うう しょる 新 時遲疾相準則與太陽同辰星之行又稍遲於太白 今人不曉以為逆行則謂太陰之行最疾也今次其 但有疾時遲速相準則與太白同太陰之行最遲一 月則不及天三十度太白之行稍遅於太陽但有疾 行之疾遲天一土二木三火四日五金六水七月八 日所行比天為差十二三四度其行運故退度最多 及日此其大率也 天土木火其行之速過於日金水月其行之遅又不 性 理大全書 三十五

程子曰思象之法大抵主於日日一事正則其他皆可 推落下閎作思言數百年後當差一日其差理必然 裏差了歷上若是通理所通為多意夫之學大抵似 盈求之遂不差大抵陰常虧陽常盈故只於這是 所歷之年看一歲差著幾分其差後亦不定獨邻堯 何承天以其差遂立歲差法其法以所差分數攤在 楊雄然亦不盡如之當窮味有二萬八千六百此非 夫立差法冠絕古今却於日月交感之際以陰陽虧 卷二十六 元城劉氏與馬永卿論歷法曰古今歷法各不同其閏 歲首故遇閏年即閏九月 而謂之後九月蓋取左氏 法亦從而異素用顓帝之歷水德王天下以十月為 聲陽也只是於日出地上數得到日入地下遂數不 收以為來日之影此以下 行此皆有理譬之有形斯有影不可謂今日之影却 染畫得亦是自然也獨聲之數只得一半數不行蓋 所合和是自然也色有二萬八千六百又非人所 生里大全書 三 七 5

金牙巴屋人 朱子曰古今歷家只推算得箇陰陽消長界分耳〇太 嚴然一行王朴之歷皆止用之二三年即差王朴歷 統歷唐一行大行歷最詳備五代王朴司天考亦簡 史公思書是說太初然却是顓頊分四思劉歆作三 閏月定四時成歲謂之定四時則是四時之間有閏 歸餘於終之意至於漢初因而不改永卿曰書云以 日定四時非謂四時之間有閏月也 也曰非也蓋謂無閏月則以春為夏以夏為秋矣故

八八八八二人三司 順 性理大全言 莫寸分毫釐絲忽皆有定法如合符契皆自然而然 差由不得古人一定之法也蔡季通當言天之運無 三代而下造歷者紛紛莫有定議愈精愈密而愈多 撰為之也意古之歷書亦必有一定之法而今亡矣 莫知所起古之聖人其思之如是之巧然皆非私意 合或過則損不及則益所以多差因言古之鐘律細 數〇令之造歷者無定法只是赶越天之行度以求 是上百二十加去蔡季通所用却依康節三百六十

常日月星辰積氣皆動物也其行度運速或過不及 其為數窄狹而不足以包之爾〇閏餘生於朔不盡 而律彼之無定自無差也季通言非是天運無定乃 數縱有差减皆可推而不失矣何者以我法之有定 其疎密遲速或過不及之間不出乎我此虛寬之大 自是不齊使我之法能運乎天而不為天之所運則 周天之氣周天之氣謂二十四氣也月有大小朔不 其行度如此其行之差處亦是常度但後之造歷者

17.1.37 · 1.1. 通說當先論天行次及上政此亦未善要當先論太 月若趙得中氣在月盡後月便當置閏〇歷法蔡季 得盡此氣而一歲日子足矣故置閏○中氣只在本 論天行以見天度加損虚度之歲分歲必旣定然後 虚以見三百六十五度四分度之一一一定位然後 歷所以數差古今豈無人考得精者曰便是無人考 春是庚辛日秋是甲乙日温公潛虚亦是此意〇問 七政乃可齊耳○或說歷四廢日曰只是言相勝者 生 里大全 書 手

使極差出第二三段亦只在此四界之內所以容易 段被他界限潤便有差不過只在一段界限之內縱 而愈差因以兩手量卓邊云且如這許多關分作四 **歷曰他安肯為此古人歷法疎濶而差少今歷愈密** 不會差伊川說康節歷不會差或問康節何以不造 得精細而不易所以數差若考得精密有箇定數永 界内又分作十六界界限愈密則差數愈遠何故以 推測便有差容易見今之歷法於這四界內分作八 卷二十六 てこうこう 界限愈密而踰越多也其差則一而古今歷法疎密 些過則減些以合之所以一二年又差如唐一行大 不同故爾看來都只是不曾推得定只是移來凑合 得好當初造歷便合併天運所蹉之度都算在裏幾 推得天運定只是旋將歷去合那天之行不及則添 天之運行所以當年合得不差明後年便差元不曾 年後蹉幾分幾年後蹉幾度将這蹉數都真在正數 行感當時最謂精密只一二年後便差只有季通說 性理大全言 丰九

但堯舜以耒歷至漢都喪失了不可考緣如今是這 乎天而歷愈差元不知天如何會有差自是天之運 直推到盡頭如此庶幾歷可以正而不差今人都不 萬以歷萬分歷已自是多了他如何肯用十二萬分 節歷十二萬九千六百分大故密今歷家所用只是 大總紀不正所以都無是處蔡季通算得康節歷康 行合當如此此說極是不知當初因甚不曾冥在裏 曾得箇大統正只管說天之運行有差造歷以求合

象山陸氏曰歴家所謂朔虚氣盈者葢以三十日為準 能治病一也〇問歷法何以推月之大小曰只是以 其合朔為如何如前月大則後月初二日月生明前 月小則後月初三日月生明 每月二十九日半九百四十从日之二十九計之觀 得閣其實差數八一般正如百貫錢脩一料藥其不 只是今之歷家又說季通底用不得不知如何又曰 行大行歷比以前歷他只是做得箇頭勢大數行

J. 10. - 2.1.

性理大全言

多け、ロットノニアを 潛室陳氏曰左傳正義曰周天三百六十五度四分度 中外中即氣也 朔虚者自前合朔至後合朔不満三十日其不滿之 十二月而成鼠一咸氣周有三百六十五日四分日 之一日一日行一度月一日行十三度十九分度之 分曰朔虚氣盈者一節一氣共三十日有餘分而為 七計二十七日有餘月已行天一周至二十九日過 四百九十九分也又逐及日而與之會是為一月即月法二十九日又逐及日而與之會是為一月

シーラー ノー 有一百一十三其餘整日惟有十一日又以餘分 三百四十八内取二百三十五以當四分日之 四十从其二百三十五外為四分日之一今於餘分 餘二十九分是合十二月餘公三百四十八是一百九十九分是合十二月餘公三百四十八是 既得三百五十四日又餘三百四十八分一日九百 以然者一月有餘分二十九日法九百四十分四百 之一今十二月惟三百五十四日是少十一日四分 未得氣周細而言之一歲正少十二日少弱所 生坚大全意 | | | | | | 仍

多らいたとう 成十一日故謂十一 章若於後漸積餘分大率三十二月則置閏不必同 年閏六月九年閏三月十一年閏十一月十四年閏 古麽十九年為一章章有七閏入章三年閏九月六 十九年少二百六日六百七十三分少弱足以當之 百一十三減之是一年正餘十日八百二十七分不 初章日月運轉於天如人之行步故推歷謂之步歷 月十七年閏四月十九年閏十二月此據元首初 日少弱 一年少十日八百二十七外積

月剩一日有餘以所有餘日歸之於終積成一 正月目前之月中氣在晦閏後之月中氣在朔無中 始也外一周之日為十二月則每月當三十日餘以 餘分以此日為端首即十一月甲子夜故言復端用 步歷之始謂之上元公以日月全數為始於前更無 氣則謂之閏月故言舉正於中也月朔之與月節每 漸不正但觀中氣所在以為此月之正取中氣以為 日月會為一月則每月惟二十九日餘每月祭差氣 聖大主書 型土 一月則

置閏故言歸餘於終也〇問漢武帝命唐都洛下閱 然則夏亦用太初歷乎否也曰歷家推上元太初謂 前調歷有上元太初等歷今以合夏正而用太初歷 推算星歷以為合於夏正改用太初歷按自黄帝以 當其時故改秦歷用漢歷改秦正用夏正非謂夏亦 連珠乃新歷之第一日故謂之歷元漢元封七年適 定十一月甲子朔旦夜半冬至日月如合壁五星如 四千六百十七歲已盡都無絲髮餘重新起歷是時

金牙四月 全音

然也 生理大全書 雪

